



## Concello de Baralla

### **BASES REGULADORAS QUE REXERÁN A SELECCIÓN E CONTRATACIÓN LABORAL TEMPORAL DE 1 PEÓN PARA O FOMENTO DE EMPREGO NO MEDIO RURAL (APROL RURAL) PARA O ANO 2023**

MIGUEL GONZALEZ PIÑERO (1 para 1)  
ALCALDE - PRESIDENTE  
Data de Sinatura: 19/04/2023  
HASH: 02554284d81bbd86154edf32431f833e



#### **1) OBXECTO DA CONVOCATORIA.-**

É obxecto da convocatoria a contratación con carácter temporal, en réxime de dereito laboral e a xornada completa, dos seguintes postos de traballo, para o fomento de emprego no medio rural (Aprol Rural) para o ano 2023.

##### **1 peón para o “Servizo de limpeza de montes”**

A contratación está subvencionada pola Consellería de Promoción do Emprego e Igualdade ó abeiro da Orde do 9 de xaneiro de 2023 (DOG número 22 de data 1 de febreiro de 2023), pola que se establecen as bases que regulan as axudas e subvencións para o fomento do emprego no medio rural (Aprol Rural) para o ano 2023.

Serán funcións a desempeñar polos/as contratados/as, as que se lles poidan encomendar pola Alcaldía ou polos concelleiros delegados que garden relación co postos a desempeñar, segundo as necesidades dos servizos.

#### **2) MODALIDADE E DURACIÓN DOS CONTRATOS.-**

O modelo de contrato de traballo previsto será necesariamente mediante a modalidade de contrato de traballo temporal de interese social. A duración do contrato será de nove meses, tendo en conta que os contratos deberán formalizarse no prazo e nos termos establecidos na resolución concedinte da subvención (número de expediente TR351G 2023/21-02 e de acordo coa orde reguladora da mesma.

O réxime xurídico da relación será de carácter laboral, en réxime de dedicación a tempo completo.

#### **3) REQUISITOS DOS ASPIRANTES.-**

Para ser admitido a esta convocatoria, os aspirantes deberán reunir, na data na que finalice o prazo de presentación de instancias, os seguintes requisitos:

- Ter nacionalidade española, sen prexuízo do disposto no artigo 57 da Lei 7/2007, de 12 de abril, do Estatuto Básico do Empregado Público.
- Posuír capacidade funcional para o desempeño das tarefas.
- Ter cumpridos dezaseis anos e non exceder da idade máxima de xubilación forzosa
- Non estar separado mediante expediente disciplinario do servizo de calquera das Administracións Públicas ou dos órganos constitucionais ou estatutarios das Comunidades

## Concello de Baralla

Avda. Evaristo Correa Calderón, 48, Baralla. 27680 Lugo. Tfno. 982363303. Fax: 982363221





## Concello de Baralla

Autónomas, nin atoparse en inhabilitación absoluta ou especial para empregos ou cargos públicos por resolución xudicial, para exercer funcións similares ás que desempeñaban, no que fora separado ou inhabilitado. No caso de ser nacional doutro Estado, non atoparse inhabilitado ou en situación equivalente nin ter sido sometido a sanción disciplinaria ou equivalente que impida, no seu Estado, nos mesmos termos o acceso ao emprego público.

- e) Figurar inscritos no Servizo Público de Emprego de Galicia como demandantes non ocupados e estar dispoñibles para o emprego.

### 4) PRESENTACIÓN DE SOLICITUDES.-

En cumprimento do establecido na Orde Reguladora do 9 de xaneiro de 2023, pola que se establecen as bases que regulan as axudas e subvencións para o fomento do emprego no medio rural (Aprol Rural) da Consellería de Promoción do Emprego e Igualdade, **podrán presentarse a este proceso selectivo os/as aspirantes preseleccionados logo da presentación, por parte deste Concello, da Oferta na Oficina de Emprego de Becerreá.**

Os interesados estarán inscritos no Servizo Público de Emprego de Galicia como demandantes non ocupados debendo estar dispoñibles para o emprego.

En función do establecido no artigo 14 da devandita orde, os traballadores e traballadoras que fosen contratados, por un período igual ou superior a nove meses con cargo ás axudas concedidas no ano 2023 pola Consellería de Promoción do Emprego e Igualdade, no ámbito de colaboración coas entidades locais e coas entidades sen ánimo de lucro, en materia de políticas activas de emprego, para a contratación de persoas traballadoras desempregadas, non poderán ser contratados con cargo ás axudas previstas na antedita orde, salvo en concellos rurais de menos de 2.000 habitantes.

Os candidatos/as desempregados/as deberán acompañar no día sinalado pola Oficina de Emprego, para a súa presentación no Concello de Baralla, a documentación sinalada nas presentes bases (orixinais ou fotocopias compulsadas) obxecto de valoración no procedemento de selección, xunto co DNI e instancia de solicitude (Anexo I destas bases). Na mesma farase constar que se reúnen os requisitos esixidos para tomar parte no concurso.

Neste procedemento non se admitirán as solicitudes dos interesados que non fosen previamente seleccionados pola Oficina de Emprego de Becerreá.

#### Documentación que debe acompañar á solicitude:

- a) Fotocopia compulsada do DNI.
- b) Documentación compulsada que acredite os méritos alegados para a súa valoración.

#### Forma de acreditación dos méritos:

- a) Formación: Mediante presentación de fotocopia compulsada do título acreditativo dos estudos, cursos ou xornadas realizadas.
- b) Fotocopia do Permiso de Conducir.

## Concello de Baralla

Avda. Evaristo Correa Calderón, 48, Baralla. 27680 Lugo. Tfno. 982363303. Fax: 982363221





## Concello de Baralla

### 5) PROCEDEMENTO DE SELECCIÓN.-

1. O sistema de selección será o concurso, valorándose a formación e a posesión do permiso de conducir B e C.

2. **Méritos computables:**

#### 2.a) Formación:

- Por ter superado o graduado escolar ou ensinanza secundaria obrigatoria, **0,50 puntos**. No caso de ter superado o bacharelato superior, formación profesional de segundo grado ou equivalente **1 punto**. De atoparse en ámbolos casos terase en conta a maior das puntuacións.

- Por asistencia a cursos que poidan gardar relación cos cometidos a desempeñar no posto de traballo obxecto desta convocatoria impartidos pola Administración Pública ou entidades delas dependentes ou homologadas:

- Cursos de 10 horas a 20 horas: **0,25 puntos**.
- Cursos de 21 horas a 50 horas: **0,50 puntos**.
- Cursos de 51 horas a 100 horas: **0,75 puntos**.
- Cursos de mais de 100 horas: **1 punto**.

A puntuación máxima para este apartado é de 4 puntos.

- Por coñecemento do idioma galego: Computándose unicamente o grao superior alegado e concedéndose validez tan so aos cursos ou titulacións oficiais ou que foran oficialmente obxecto de homologación:

- Celga 1: **0,25 puntos**.
- Celga 2: **0,50 puntos**.
- Celga 3 ou Grao de iniciación: **0,75 puntos**.
- Celga 4 ou Grao de perfeccionamento: **1 punto**.

A puntuación máxima para este apartado é de 1 punto.

#### 2.b) Permiso de Conducir:

- Por estar en Posesión do Permiso de Conducir B: **0,50 puntos**.
- Por estar en Posesión do Permiso de Conducir C: **1 punto**.

O resultado final do proceso será a suma de todos os méritos anteriores, de producirse empate na puntuación, a orde de desempate será a seguinte:

1º.- Puntuación pola orde dos méritos anteriores.

2º.- Se persiste o empate, resolverase por sorteo público.

### 6) DESENVOLVEMENTO DA SELECCIÓN.-

#### 6.1. Tribunal Cualificador:

## Concello de Baralla

Avda. Evaristo Correa Calderón, 48, Baralla. 27680 Lugo. Tfno. 982363303. Fax: 982363221





## Concello de Baralla

O Tribunal Cualificador estará constituída por:

Presidente/a.- Un empregado/a público con nivel de titulación igual ou superior ao esixido para o acceso ao posto convocado.

Secretario/a.- Un empregado/a público con nivel de titulación igual ou superior ao esixido para o acceso ao posto convocado.

Vogais.- Tres empregados/as públicos con nivel de titulación igual ou superior ao esixido para o acceso ao posto convocado.

Por cada membro do tribunal designarase un suplente cos mesmos requisitos e condicións.

A abstención e recusación dos membros do tribunal será de conformidade cos artigos 23 e 24 da Lei 40/2015, do 1 de outubro, de réxime xurídico do sector público.

O tribunal non poderá constituírse, nin actuar sen presenza, cando menos, de máis da metade dos seus membros, titulares ou suplentes, indistintamente. En todo caso requírese a asistencia do/a presidente/a e do secretario/a ou dos que legalmente os substitúan.

O tribunal poderá dispoñer a incorporación de asesores especialistas para os supostos en que así o estimen necesario ou conveniente. Os ditos asesores, actuarán con voz e sen voto limitándose ao exercicio das especialidades técnicas en base ás cales colaboran no respectivo tribunal.

O tribunal resolverá por maioría de votos dos seus membros presentes, tódalas dúbidas e propostas que se produzan para a aplicación das normas contidas nestas bases, e estará facultado para resolver as cuestións que poidan suscitarse durante a valoración dos méritos.

O nomeamento dos membros do tribunal e os seus suplentes, realizarase por Resolución da Alcaldía e publicarase no taboleiro de anuncios do Concello de Baralla e na súa páxina web ([www.concellobaralla.es](http://www.concellobaralla.es)) así como a lista de admitidos e excluídos.

Na devandita resolución declararase aprobada a lista provisional de admitidos e, se é o caso, excluídos coa especificación do motivo da exclusión. Esta resolución publicarase de xeito íntegro no Taboleiro de Anuncios do Concello e na páxina web [www.concellobaralla.es](http://www.concellobaralla.es).

Concederase un prazo de 2 días hábiles contados a partir do seguinte ao da publicación da resolución para a emenda de posibles deficiencias polos aspirantes excluídos, que se aceptarán ou rexeitarán mediante Resolución pública de Alcaldía aprobando a lista definitiva.

No caso de non existir candidatos excluídos nin que precisen do trámite de emenda, ditarase unha soa resolución coa lista definitiva de aspirantes admitidos, composición do tribunal e data e hora na que se constituirá.

### 6.2- Sistema de selección e desenvolvemento do proceso:

Tendo en conta as especiais características do posto e a súa temporalidade, estímase, que o procedemento de selección dos aspirantes será o concurso debendo o Tribunal valorar os

## Concello de Baralla

Avda. Evaristo Correa Calderón, 48, Baralla. 27680 Lugo. Tfno. 982363303. Fax: 982363221





## Concello de Baralla

méritos presentados polos aspirantes. Neste caso a selección dos candidatos será por orden decrecente atendendo a puntuación obtida.

Respecto aos méritos computables, será de acordo ao establecido no artigo 14 da orde do 12 de abril de 2021 “*Requisitos e criterios para a selección dos traballadores e das traballadoras*” pola que se establecen as bases que regulan as axudas e subvencións para o fomento do emprego no medio rural (Aprol Rural) e se procede á súa convocatoria para o exercicio do ano 2023, da Consellería de Promoción do Emprego e Igualdade,

### 7) PROPOSTA DE SELECCIÓN.-

O Tribunal Cualificador publicará no taboleiro de anuncios e na páxina web, a relación de aspirantes ao posto de traballo coa puntuación provisional acadada, por orde de puntuación.

Os aspirantes disporán dun prazo de dous días hábiles, a partir do seguinte ao da publicación, para efectuar as alegacións pertinentes.

Rematado o prazo e tras resolver as alegacións efectuadas no seu caso, darase traslado ao Alcalde-Presidente do Concello de Baralla, precisándose que non poderá superarse o número de prazas vacantes convocadas.

A selección recaerá nos aspirantes que obteñan maior puntuación. No suposto de que se produzan renuncias dos aspirantes seleccionados antes da contratación, o órgano convocante poderá acudir á prelación de aspirantes, incluídos na lista de reserva.

A lista de reserva estará formada polos restantes aspirantes non seleccionados, que figuraran nesta, por orde de puntuación de maior a menor. Acudirase á mesma para cubrir eventuais vacantes dos postos ofertados durante o período subvencionado que nunca se estenderán máis aló da duración do programa subvencionado.

### 8).- RESOLUCIÓN E FORMALIZACIÓN DO CONTRATO.-

Á vista da proposta do Tribunal Cualificador e constatado que o/a aspirante acreditou os requisitos esixidos para acceder ao emprego que se convoca, o Alcalde-Presidente do Concello de Baralla resolverá o procedemento selectivo e procederá á formalización do contrato laboral temporal, segundo o previsto na lexislación laboral aplicable.

### 9).- NORMATIVA.-

No non sinalado nas presentes bases, estarase ao establecido na normativa básica sobre selección de persoal ó servizo da Administración Local, Estatuto dos Traballadores e demais normas que resulten de aplicación.

En canto a posibilidade de dirimir as controversias que se produzan na aplicación daqueles instrumentos normativos, serán competentes os órganos pertencentes á Xurisdición Contencioso-Administrativa.

### 10) RECURSOS.-

---

## Concello de Baralla

Avda. Evaristo Correa Calderón, 48, Baralla. 27680 Lugo. Tfno. 982363303. Fax: 982363221





## Concello de Baralla

Contra a resolución pola que se aproban as bases desta convocatoria, que é definitiva en vía administrativa, poderán os interesados interpoñer recurso potestativo de reposición ante o Sr. Alcalde-Presidente do Concello de Baralla, no prazo dun mes a contar dende o día seguinte ao da publicación do anuncio no taboleiro de anuncios do Concello de Baralla e na súa páxina web, ou ben recurso contencioso administrativo ante o Xulgado do Contencioso Administrativo de Lugo, no prazo de dous meses dende o día seguinte ao da publicación do anuncio no taboleiro do Concello de Baralla e na súa páxina web, na forma prevista na Lexislación Reguladora de dita Xurisdición, sen prexuízo de que poida interpoñer calquera outro que estime procedente.

Baralla, 19 de abril de 2023  
O Alcalde-Presidente

Asdo. :Miguel González Piñeiro

---

Concello de Baralla

Avda. Evaristo Correa Calderón, 48, Baralla. 27680 Lugo. Tfno. 982363303. Fax: 982363221





## Concello de Baralla

### ANEXO I

#### MODELO DE SOLICITUDE DE PARTICIPACIÓN NA CONTRATACIÓN DE PERSOAL LABORAL TEMPORAL (APROL RURAL 2023):

1 PEÓN

#### DATOS PERSOAIS

<b>PRIMEIRO APELIDO</b>	<b>SEGUNDO APELIDO</b>	<b>NOME</b>	
<b>DATA DE NACEMENTO</b>	<b>D.N.I.</b>	<b>NACIONALIDADE</b>	
<b>ENDEREZO</b>			
<b>CONCELLO</b>	<b>PROVINCIA</b>	<b>C.P.</b>	<b>TELÉFONO/CORREO ELECTRÓNICO</b>

SOLICITA :

Ser admitido nas probas selectivas convocadas para a contratación laboral temporal do/s posto/s antes descrito/s, e declaro que son certos tódolos datos consignados nesta solicitude e que coñezo e reúno as condicións esixidas nesta convocatoria, referidas á data en que remata o prazo de presentación de instancias.

En Baralla, a ..... de ..... de 2023.

Sinatura,

#### SR.ALCALDE-PRESIDENTE DO CONCELLO DE BARALLA

En relación co establecido na L.O.P.D de Carácter persoal o CONCELLO DE BARALLA, procede a informarlle que os datos obtidos no noso formulario serán incorporados a un ficheiro de datos, do que é responsable o CONCELLO DE BARALLA, con domicilio social na R/ EVARISTO CORREA CALDERÓN 48.- 27680.- BARALLA.- LUGO. Sendo os datos obtidos co consentimento do interesado, Art. 6 L.O.P.D. o obxecto de dito tratamento será para a xestión das relacións contractuais establecidas entre o Concello e o solicitante. O interesado gozará en todo momento dos dereitos de acceso, rectificación, cancelación e oposición garantidos pola Lei vixente. O titular dos datos comprométese a comunicar por escrito o CONCELLO DE BARALLA, calquera modificación que se produza nos datos achegados.

Concello de Baralla

Avda. Evaristo Correa Calderón, 48, Baralla. 27680 Lugo. Tfno. 982363303. Fax: 982363221





## Concello de Baralla

### MÉRITOS:

#### FORMACIÓN ESTUDIOS OFICIAIS.- MARQUE A OPCIÓN CORRESPONDENTE, DE POSUÍR AMBAS ELIXIRASE A DE MAIOR GRADO

FORMACIÓN RECIBIDA				
GRADUADO ESCOLAR OU ENSINANZA SECUNDARIA OBRIGATORIA	SI		NO	
BACHARELATO SUPERIOR, FORMACIÓN PROFESIONAL DE SEGUNDO GRADO OU EQUIVALENTE	SI		NO	

#### FORMACIÓN POR ASISTENCIA A CURSOS OU XORNADAS

DENOMINACIÓN	DURACIÓN EN MESES

#### COÑECEMENTO DO IDIOMA GALEGO

Cursos ou titulacións oficiais (computárase unicamente o de maior grado)


#### ESTAR EN POSESIÓN DO PERMISO DE CONDUCIR B e C

Permiso de conducir B  SI (Debe achegar copia compulsada do mesmo)  NON  
 Permiso de conducir C  SI (Debe achegar copia compulsada do mesmo)  NON

En relación co establecido na L.O.P.D de Carácter persoal o CONCELLO DE BARALLA, procede a informarle que os datos obtidos no noso formulario serán incorporados a un ficheiro de datos, do que é responsable o CONCELLO DE BARALLA, con domicilio social na R/ EVARISTO CORREA CALDERÓN 48 - 27680 - BARALLA - LUGO. Sendo os datos obtidos co consentimento do interesado, Art. 6 L.O.P.D. o obxecto de dito tratamento será para a xestión das relacións contractuais establecidas entre o Concello e o solicitante. O interesado gozará en todo momento dos dereitos de acceso, rectificación, cancelación e oposición garantidos pola Lei vixente. O titular dos datos comprométese a comunicar por escrito o CONCELLO DE BARALLA, calquera modificación que se produza nos datos achegados.

## Concello de Baralla

Avda. Evaristo Correa Calderón, 48, Baralla. 27680 Lugo. Tfno. 982363303. Fax: 982363221

